

資治新書

初集

366.1
S4037
2

資治新書卷三

湖上笠翁李 漁蒐輯

漕政

嚴飭官兌漕米牌

浙江巡撫王湯谷
鎮元曠
山東人

爲飭申官收官兌之法。嚴禁私加私派之弊。以肅漕規。以甦民害事。照得浙省漕糧。每百石。加耗米九石八斗。原係向來成例。緣每歲臨兌之時。刁軍橫甲。勒贈繁多。衙蠹倉胥。需索無厭。順治五年間。隨經張糧道條議。將九石八斗折銀若干。又貼盤運綱司諸司若干。名曰截銀。令官收官兌。使軍民兩不相見。杜絕勒索之端。最爲良法。彼時尙不分別正耗。至順治八年間。前院杜。謂此項截銀。正米應給。耗米不應給。特疏題定在案云云。又經撫院奏。另疏題定在案。則是漕兌一項。兩經具題。兩經奉旨。官截之外。不許科派分文。官收之後。不得再令民兌。通飭各屬遵行已久。無奈婪弁悍丁。愍不畏法。往往到臨倉領兌之日。捏合管兌經承。關通各厥倉蠹。故嫌米色不堪。酷勒飾颺贈貼。以致押差保歇。乘機講兌。官截之外。另派私截。私截之外。又派茶錢酒費。及話會洗澡等項。層層剝削。轉展誅求。稍不遂意。非以鼓噪嚇縣。

令卽以誤漕。脅愚民有司。恐碍考成。只顧妝朧。做啞百姓。念及身命。誰敢講是爭非。典妻賣產。剜肉醫瘡。小民一石之糧。費用幾浮於正數。毒弊相沿。牢不可破。本院知之最久。念之痛心。仍恐事關漕兌。從中或有雜出別費。非本院之所及聞者。因備細行糧儲道。條分縷悉。取具前項欸樣。確報前來。懸此明鏡。可以畢照魑魅。今當開徵之始。相應預爲嚴飭。爲此牌行糧儲道云云。如有刁軍橫甲。仍前借端生波。酷勒私截。及經承倉蠹。押差保歇等輩。通同打合。指稱講兌名色。虐民蠹國者。該道訪實。不時密揭報聞。以憑本院嚴拏法究。立置重典。此大害大弊。法在必行。毋忽。

行嘉刑官嚴飭漕弊牌

照得浙中漕糧。惟嘉禾獨多。而因漕受累。亦惟嘉民爲最。蓋以田畝雖多。年來水旱不時。差繁賦急。徵輸催迫。民力難堪。以致賣女鬻男。傾家蕩產者比比。咨嘆之聲。盈於道路。此本院耳而目之者。是以一切漕弊陋規。嚴行禁革。至再至三。無奈領運官旗。刁橫如故。明知米已徵足。而船隻濡滯。託故不前。船雖到次。又借口米色不堪。留難交兌。任意拋擲。百計索取。弊害多端。從來旗弁婪肆。未有如今日之甚者。此輩不顧國家重務。惟圖一己之私。臨次則逡巡觀望。罔念輓輸。開行則河上逍遙。恣意侵沒。及至誤漕違限。

又復卸過於人。種種奸弊。深可痛恨。今本院駐臨該府。一切興革。在所必行。豈有漕糧重務。而不使積習漸除。飛輓蚤奏。則法紀何存。激揚安在。合行嚴飭。爲此牌行嘉刑官云云。如再有劣弁奸旗。生端藉口。故意刁難。橫肆不法者。許該廳飛揭報院。以憑飛章。嚴行參處。勿謂本院三尺之法。不能行於此輩也。

咨總河總漕催償回空

浙江巡撫秦瑞寶
諱世禎
濟陽人

爲運期日迫。有米無船。懇祈催督回空。以便交兌事。照得漕白二糧。一年一運。船必春運秋回。方無愆期。茲浙省漕白糧米。完數及額。有司引領望兌。而漕艘片帆不至。夫以零星易完之米。待曠日持久之船。此督糧道暨監兌推官。所以感額相告。有云冬兌逾期。勢必遲誤者。有云徵收日久。臨兌恐借口尋變者。此則憂心如焚。彼則逍遙河上。誤天庾之正供。誰任其咎。及今春融冰泮。順流而南。猶未甚遲。萬一嗜利忘公。或攬載經商。而故多停泊。或起發私貨。而到處逗遛。將運事之誤。更甚於上年矣。除經繕疏具題。請飭外。相應移會云云。

屯政

咨戶部議興屯事宜

江西巡撫蔡魁吾
諱士英
遼東人

據江西興屯道副使翟鳳翥。僉事許兆祥。會詳前事等因。呈詳到部。院據此。爲照荒蕪田畝。奉 旨興屯。復撥屯本召民開墾。誠爲百世之良法。凡有主荒蕪。召民耕種。不領牛種者。三年之後。照例起科。無容再贅矣。其有民無資本。官給牛種耕種者。分收籽粒。原疏之中。開載三分取一。今屯道慮歲有豐儉。難於一例。或於每歲收成之際。聽屯官履畝抽勘。取一二以爲則。例。不論開之多寡。歲之豐儉。遇有收穫。初年二年。則取三分之一。三年則取其半。至於屯本。或卽在三年分租之內取還。或另爲追補。必須有畫一之規也。查照原疏中。有民無工本。願行承種者。給以雇值。但患散而無統。必須立一屯長。統率屯民。照依民間計工授食。而計工授食之費。又有難與部議相符者。部議每頃約用屯本銀三十兩。此就北方易墾之土而言。若江右田多磽瘠。荒殘之後。藁莽成墟。而且高下不一。旱澇不時。其間農工既倍。器具復煩。彙而計之。所用屯本有三倍於部議者矣。屯本既費不貲。所收之租。擬除十分之一。以給屯長外。其餘盡收租穀。以償屯本。是亦通變之議也。但三年之後。田皆成熟。此田或給屯長屯民爲業。止追還原給屯本。責以照例陞科乎。抑或永作官屯。歲歲雇人耕種乎。是又不可不預請定程也。至於開荒畝。給屯本及收租積穀等事。見行嚴督屯道廳加意料理。不遺餘力。俟歲終造冊彙報外。今據該道會詳前來。合就咨達云云。

咨戶部議墾屯田

聖旨是巧取熟

據江西布政司會詳內稱。順治某年月日。承准戶部照會。內開。興屯一事等因。題奉
地。以當開荒。強派各里。以包屯課。此等情弊。誠宜預杜。必須分別官地民地。方免侵擾。依議嚴飭。行欽此。
欽遵抄出到部。擬合就行云云。等因。奉此。隨經移會興屯道酌議去後。今准本道看議到司。該本司復看
詳到部院。據此爲照。地土奉旨分別官民。使熟田絕隱糧之弊。真荒無包賠之苦。裕國甦民。誠爲盡善。但
以見在納糧與未納糧。爲之分別官民二項。今江省荒畝之中。有已經民力開墾者。照例三年之後。方行
起科。但荒土雖闢。糧尙未納。民已費盡血力。方恃有此恆產。一旦造作官地。此萬不能堪。且見在召民續
墾者。自備牛種開耕。無論有主無主。似宜造人民地項下。可無容議。若以未納錢糧。必爲官地。將來徠歸
子遺。又何所依。以立命嗟。此殘民旣無故土之可思。勢必聚散無常。欲使民之生聚。其可得乎。此民情利
病之所關。不得不爲計及也。今據司道會議。凡民間有主荒田。百姓自認某年開墾。照依年限納糧。及無
主荒田。或附近百姓招徠人民。自荷牛種開墾者。俱爲民地。其無主無人承墾。并有主再限三年之後。力
不能墾者。俱作官地。庶使民仍戀其故土。速於歸業。盡力開耕。數年之間。自可廣墾。此開荒之中。寓招撫

之法似屬善議。況此冊一定百世難移。且關係進呈。御覽豈敢草率造報。徒滋日後瑣陳。懇請貴部軫念殘疆。俯准如議。分別既清。造報方確。特賜明示。得以遵行。今據該司呈詳前來。合就咨達。爲此合咨貴部。煩請查照。速賜咨覆施行。

行袁州興屯道

據該道呈請嚴飭各縣招徠開荒緣由。到部院。據此爲照。江省自叛變以來。人稀田荒。屢行各屬召墾。無如化僞已甚。且有司諸政龐雜。勢難兼全。是以有司之間。報墾者無幾。報荒者益多。致蒙宰輔深謀遠慮。籌畫興屯。特題設官專理屯政。使職掌既專。開荒有效。至於興屯去處。府州縣官應聽屯道提調。此部文開載甚明。應行事宜。該道就便可行。何至今日方請申飭。且該道總轄六府。屯廳分理各縣。何云二屯廳不過分在二縣。豈各縣可置不問耶。似非縣令之推卸。實該道廳自諉也。況近准部咨。有分別官民地土之旨。見行藩司。該道查造清冊。其官田地畝。是在該道廳之設法開墾。其民田地畝。是在各州縣之多方勸課。此奉新旨煌煌。又誰敢爲推諉。倘屯政欲卸之各州縣。則專設屯官之謂何。今據前情合行嚴飭云云。

鹽政一禁私販類 此禁捕役假公濟私
其禁民間私販者俱載文告內

牌行揚州道

兩淮鹽院胡道南 諱文學
鄞縣人

詭計妙絕
匪夷所思

為嚴革冗役。以清積弊事。照得設立捕役。原以緝私。非以販私。近訪得巡鹽廳官。濫用多人。以致恃腰牌。為護身。每每連檣巨艘。恣意私販。行至市鎮。假扮鹽犯。檣鎖船頭。遇僻靜處。所即便交易。殊不知檣鎖之鹽犯。即捕役之同夥。巡鹽之捕快。實私販之鹽徒。大干法紀。深可痛恨。前已牌行該道。嚴查追牌革逐。至今未據回報。合行再催。為此牌發該道。查照先今事理。轉行各巡鹽官。嗣後除鹽捕各官。止許照經制留用外。仍將名數造冊。具文呈報。如從前額外濫設者。即查原給腰牌繳院。倘官役通同縱私害公。不行覺察。或徇庇不舉。本院訪聞有據。定行指參不貸。

牌行運司

為申飭食鹽事。照得淮安府屬。原係產鹽地面。不行官引。府廳各屬官吏。合用食鹽。勢必赴場買運。但歲食鹽斤。所用有限。有等奸滑衙蠹。每每借名官用鹽斤。恣意興販。大船小載。公行無忌。致使巡緝員役。莫敢過問。是以區區無幾之食鹽。竟開不可窮詰私鹽之徑。竊擬合嚴行申飭。以肅鹺政。為此牌仰該司呈

滿船盡是
相公難由
來者舊矣

堂官吏。照牌事理。卽將府屬各廳。每有應用食鹽。差人裝運。務要官給印牌。定以斤數。不許指名夾帶。借官興販。如有仍前肆行裝載。卽以私鹽科罪。不得姑宥。

鹽政二 防夾帶類

移總漕部院

爲嚴飭回空夾帶。疏商裕課事。照得糧艘運丁。招納亡命。每每於天津直沽等處。收買曬鹽。揚帆南下。順流江廣。巡鹽官役。多因糧艘重務。不敢羈留。盤詰明知不問。以致連檣販賣。江楚遍售。城市在在有之。前院慮難禁遏。特具疏題。請嚴飭沿河一帶地方。道府鎮將。不時盤驗。雖經通行在案。茲今回空屆期。非藉貴部院威靈。檄行各屬。嚴飭運官。加意搜盤。誠恐此輩利令智昏。故轍不改。有妨鹽政。爲此云云。煩爲嚴飭一帶。駐防官兵。道府州縣。如遇糧艘回空。上緊巡緝。庶私販稍知斂跡。官引易于疏銷。國課幸甚。商民幸甚。

鹽政三 通阻滯類

移九江關

兩淮
鹽院李公弼 諱贊元
山東人

爲移會事。照得兩淮鹽賦。甲於天下。歲額一百七八十萬。本院受事後。徹底清查。方知從前補救。皆是剋肉醫瘡。況經海氛蹂躪之餘。鹽務廢弛之極。論其引鹽。停壓二三綱。論其課餉。又連欠百有餘萬。目今設法徵比。旬日之內。可完三四十萬。以濟楚粵滇南秦閩各省軍需。其從前一弊竇。俱經特疏奏聞。種種陋規。現在通行禁革。冀稍甦商困。萬一茲當江掣在即。據各商紛紛赴懇。悉以過關爲慮。本院察其情詞。感戴貴部之廉明。無私不待言矣。第所懼者。奸棍積弊。冒充衙門名色。增派苛費。不一而足。困苦疲商。何以堪此。祈貴部嚴查諸奸。痛革積弊。凡商船抵關。令當堂完納正科。填明簿冊。即便放行。庶商人省一分旁費。卽能爲朝廷足一分額賦。其公私利賴。無窮矣。相應移會。爲此。云云煩爲查照施行。

鹽政四 查額引類

牌發各省道府

兩淮鹽院姜匯思 諱圖南 仁和人

爲嚴查額引。以信考成事。照得裕課全在通商。故鹽疏引銷。始收實效。大部特申嚴額數。朝廷尤加意考成。法制森然。莫敢玩誤。邇因憲節停驂。司權掣肘。官吏墮窳。奸豪縱肆。引之完欠。裹如充耳。商之利病。置若隔膜。坐使天地之藏。寧歸盜賊。不歸朝廷。藐法亂政。莫此爲甚。合行飭查。爲此。云云卽將十年分

起至十二年分止。每年額應疏銷引鹽。曾否足額。有無完欠。按額嚴查。造冊馳報。

鹽政五 易場弊類

詳鹽院

台州蔣楚珍 諱鳴玉
司李 金壇人

直陳場弊。懇恩勒革。以甦貧甿事。四民莫苦於甿。甿之有總催。猶里遞也。台民里遞之苦。因幫貼濫免數多畝。出銀五錢六錢不等。然有卯有限。有名有色。猶未若總催之處。處處亂絲。條條削骨也。里遞之苦。府縣知之。憐惜之。尙有溫文款語。慰其九年十年之勞。亦未若總催之無門告訴。莫有見聞。前不爲之看詳。後不爲之申說也。台屬三場。黃巖場最苦。長亭杜濱次之。終年薰灼淋漓。脂膏幾何。分頭斂率。十手支吾。竭蹶以供場官。司差各項之分例。而日若不足。尙望其年完一年。額完正額。其可得乎。彼解此提。連繩貫索。踵穿鼻。折皮綻血流。勢不得不借生員爲外護。假攬棍爲撐持。批批未獲。限限逋逃。課之不完。以場官爲竊課之官。諸差爲竊課之役。故也。今遇憲臨。豐蔀見日。石鼓揚聲。懇祈隆恩。再造垂照。苦情將每年每場每倉。照依里遞。催辦錢糧。歸併所屬縣正官立限徵解。勒示場官。不許下場。科派各項名色。分司白役。運司堂頭。不許需索。各項陋規。卽有票差。止許在縣。不許下國。值年總催。亦不許仍前假借官差。倚恃青衿。

攤派各鄉竈戶。橫費既除。正額自足。或者謂職有定員。如此則置分司與場官何地。然有官之害。甚於無官。一家之哭。何如一路與其殘剝焦頭爛額之窮丁。毋寧芟削前虎後狼之諸蠹。且課額不過數千。糜費竟過一倍。責成既屬縣正。徵解何藉多聞。總計惡差幾數百人。橫斂幾數千金。害貽國課。豈獨民生爲此。開揭上陳。伏候電覽。採擇施行。

權政

行揚州鈔關劄付

關名

爲呈報船鈔徵收則例。仰祈裁示。以著定規事。貴州清吏司案呈。奉本部送據揚州鈔關。郎中李果珍呈。前事等因。到部送司。該本司呈堂。蒙批云云。奉此覆查。得各關之歲額。多寡不同。故抽徵之則例。亦異。如揚關在明。屢次加至四萬有奇。清朝減定二萬八千六百之數。較明季僅有其半。今該差乃稱南商未通。恐詘於額數。增定則例。以便取盈。不思閩粵漸入版圖。商賈將來雲集。若拘拘增定則例。在今日一有執著。致後日難以轉移。合無行令該差。仍以會計錄則例爲主。惟視水陸之通塞。商賈之多寡。斟酌而行。務使近悅遠來。以裕國課。斯爲妥確。等因。呈堂。蒙批揚關舊額一萬三千兩。此一例也。明季加至四萬

餘兩。此又一例也。今斟酌二者之中。減至二萬八千六百餘兩。亦當照額增減。以爲收徵之則。豈得慮有訛額。增定則例。以便取盈。該關查照。另裁則例報奪。奉此案呈到部。擬合就行。爲此合劄本官。照劄事理。卽將新定稅額。確酌則例報部。以憑裁奪。毋得違錯。須至劄付者。

請禁官舫夾帶貨船

揚州
權使
李荆函
譚果珍
陝西人

爲官舫夾帶貨船。漏鈔虧額難問。請乞憲示嚴禁以裕國課。以通商賈事。爲照關稅定額。分毫難虧。官舫夾帶。明季陋習。今猶相踵。前已詳請禁示。未蒙頒發。不謂近日南北稍通。一切文武紳弁。官舫往來。或託赴任。或假欽召。陛見名色。及正鑲各旗。莫稽何官何職。已用未用。交通奸棍船頭。將船停泊蕪湖瓜儀數月。搶截客貨。攬入官艙。滿載始行。不惟分毫鈔稅不納。而隨帶丁僕員役。假充滿州服色。如虎如狼。躡踞船頭。唧尾揚帆而去。令人莫敢誰何。稍有詰問。便撻其怒。甚至兇橫無狀。毆罵權役。凌侮司官。殊非朝廷設官通商之體。且其船隻所載茶布綢緞磁器等物。皆係江南重貨。每船資本不下萬千。而見在往來納鈔者。不過附近魚蝦米菜數尺小艇。爲鈔幾何。是巨商富賈。皆爲紳弁奇貨。而日久所權。不過與輕舸貧賤區區爭錙銖之利。則又職所坐籌無策。心實媿悚者也。況職報滿在卽。瓜代伊邇。爲時

不足什之貳。而所徵解稅額。尙未及什之六七。報命考成。恐粉骨未足取盈也。今者時迫事急。不得不大聲疾呼。求禁於憲臺之前。伏望本院部立賜嚴示。危詞申飭。凜以功令。使此輩各愛身名。稍知斂戢。少帶貸船。自免截搶。不惟額稅有裨。而商亦可流通矣。

申革橋官稅課

金華 諱學龍
司李 解石帆 興化人

察得稅課司。自裁革稅官後。拊設義官徵稅。開放橋船。以致赫詐多端。陋弊踵起。竊念官不可以私立。稅不可以私增。若使一無點染。此官何爲戀戀。若使一無需索。此地何爲嘵嘵。卽云米麥宜察。兩岸自有保甲。卽云魚鰲宜稅。一年不過七兩八錢。始之沐猴。而冠繼必傳虎。以翼每船舊例二分。積漸必至三分。義官既取一倍。橋夫豈肯安然。以致小民船戶。任其魚肉。合無呈請憲示。將橋匙仍令水利官自行開放。不致橋夫需索稅課銀兩。仍仰該縣遵照察追完解。永禁義民等官營求管理。庶積弊盡祛。津船利便。

義民官稅課雖曰厲民。其職奉憲委尙有由來。更有官非義民。職無牌委。橫踞要路。以盤詰爲名。遇貨便抽。卽薪米蔬菜之屬。寸不容漏網。其厲民始爲極致。江南郎制臺有十二字。示懸於禁門云。稅務自有專官。私抽難逃。國法詞減而義該。所謂隻字嚴於斧鉞。此示一出。遂永杜其害。商民無不利。

之他人千言萬語所不能禁者此以十二字禁之爲政不在多言顧力行何如耳觀此益信爲確論

蘆政

通行各屬牌

蘆政 錢武山 杭州人
工部

爲申飭報陞除坍之規以足課額以甦貧佃事照得蘆政專奉 聖書督理洲課政爲清漲除坍裒多益寡本部上體 聖慈下恤窮戶可豁卽豁原係初心但課額已經奏定又當爲 國家計經費豈容有免無增況江形東坍西漲欺隱儘多足堪抵補惟是人情樂豁憚陞急宜調酌苦樂惟均合行通飭爲此牌仰沿江各府官吏照牌事理卽便轉行各縣印官躬行查勘如果真實坍江若受多年賠累卽於閩邑界內凡有新漲許作抵補今後申坍文內明開某洲隱匿不鳴某洲新漲未報以便批行務使課額無虧方可爲民甦豁本部非不欲速拯坍患然撥補歷來成規在坍戶患切剝膚何乃憚煩不行察訪只解一味空號何日能甦永累如有挾讐妄告借端扛詐定行加等重究永不開除以警刁風或係假捏坍江故意拖延不行呈報抵補者卽便嚴限比追斷不令頑戶得志有司受累也

申飭各屬牌

蘆政 王印周 諱日藻
部憲 華亭人

爲嚴覈坍江。清察新漲隱占。併督課佃冊籍。以足賦額事。照得蘆洲東坍西漲。勢所從來。陞漲豁坍。與廉訪隱占。簡書具在。至於錢糧有正課。加增籽粒餉銀佃價等項。奉旨俱有定額。歲終稽核完欠。考成參罰最嚴。先已備行各屬。諒所稔知。本部莅任以來。政令率由舊章。未嘗少有踰越。其各屬急公勤政。相與有成者固多。然而慢令忽忽者亦有。如錢糧佃價。不速追解。冊籍事件。不卽報完。卽告坍一事。大丈屆期。本部面審得情。不得不准。其間多寡虛實。全藉縣正勘合分明。察有新漲與隱占。陞科抵補。方准具詳。除先案勘丈確實批行外。近據詳報。坍江率多苟簡。徒知減免課稅。並不察補陞科。且時見告坍。絕無報漲。總之官不清刷。民得奸欺。似此日居月諸。額課漸致虧沒。非惟本部任咎。恐於該縣考成殊未便也。甚有正官徑不覆加丈勘止。據委官依樣葫蘆。轉文回覆。甚非法體。擬合通行申飭。爲此牌仰本縣察照。先今事理。各將積欠課餉佃價等項。并冊籍事件。火速催完。給批勒限解部。仍卽細加察訪。新漲沙灘。及勢豪隱占情弊。據實飛報。具見本官風裁。定行特薦。凡有坍江洲場。務要躬親丈勘明確。察補闕課如額。方可具詳。或候按臨親丈日報奪。不得仍前朦朧混請豁減。致煩批駁。有干文網。實媿相成。倘再故違。定提經承。重究不貸。

茶馬

通諭各屬事宜牌

茶馬許青嶼 諱之漸
巡按 武進人

茶馬之設。國家綏柔荒服。邊防寓焉。非屑屑操奇贏爭市易。炫利於采山博馬之謂也。顧利有所在。弊則叢生。若今時所爲。釐弊以集利者。何嘗不察。等牛毛而源不加濬。流將自竭。則奈何。商籍晨星。較之當日。猶然十之一也。愍不畏死之徒。憑藉爲奸。小吏莫敢過問。而幅員既長。視同馬腹。疾呼不應。猶然懸置之耳。及課商而商日貧。督奸而奸益肆。羽檄紛馳。禁網周布。於是以居奇之業。而或爲之裹足。咨嗟約法之條。而或謂其吹毛苛細。豈安內攘外。緝私疏公之至計乎。況乎事事迫急。歲歲取盈。泉竭自中。勢將安底。終歲之所。賸削培之數十年。而不償亦甚。負此簡書矣。本堂入秦以來。周咨疾苦。務爲國家謀久遠。不與商民爭旦夕。凡所爲休養而安全之者。至纖至悉也。便宜數則初平平無奇策。然行之終歲。而商賈樂趨。番彝決角。朝廷德意。宣播遐荒。綱舉目張。幸無弛廢。迫之而至不迫之而速。至其效大略可見矣。此無他。利散於人。則事集於上。私絕於己。則風清於下。硜硜寡用之徒。矢心夙夜。必誠必確。惟此而已。倘謂消長之數。歲或不同。考成攸係。良可忧心。則從來茶馬原無定例。煌煌令甲。不可信乎。若夫七監